

կարդալ այն , կը հեկեկան ու կու լան , և կ'աղօթեն Տիմ--Տիմի գոհերու յիշատակին :

ՏԷՐԷՊԷՅԻՆԵՐԸ ԵՒ ԵԷՆԻՉԷՐԻՔ ԵՁՏԻՆՇԷՐԸ

(Ապսամբական շարժումներ. Աւագակային դաճակցութիւններ. Իշխանական կոիւներ. Հայերն ու Քիւրդերը ի միասին բաժանուած շրջան շրջան. Եկեղեցիներու ու վանքերու կողոպուտք եւ եկեղեցականներու խոճանգումն ոչ իբր Հայ կամ Քրիստոնեայ լինելուն համար, այլ իբր մեկ շրջանի միւս շրջանի դեմ քաղաքական նակառակորդներ. Կ. Պոլսի ժամանակակից կառավարութիւնը զօրաւորին կողմը:)

Ճուրամերիկ , ինչպէս այժմ , նոյնպէս թուականէս 245 տարի առաջ , ըստ Առաքել պատմագրի՝ Հայոց 1104 թուականին , Քիւրդերու Տէրէպէյութեան գլխաւոր քաղաքներէն մէկն էր . և կամ եթէ կարելի է ըսել՝ Տէրէպէյութեան մայրաքաղաքն էր : Եզտին-Շէր Տէրէպէյին , կը կոչուէր մեծ իշխան Մարաց , տէր Ճուրամերիկայ և Շատախու , և ուրիշ շատ գաւառներու :

Վանի մէջ կ'իշխէ Հիւսէյն աղա , իշխան և հրամանատար տիտղոսով . Խօշապի բերդին կ'իշխէ Սիւլէյման բէգ : Այս վերջինը Վանէն Թաւրիզ դացող կարաւանները կը կողոպտէ :

Վանի իշխող Հիւսէյն աղան կը դաշնակցի Եզտին-Շէրի հետ , իր եղբօր աղջիկը անոր կնութեան տալով , կը զօրանայ , ու իր իշխանութեան կ'ենթարկէ Փաշան , Ղաղին , Ենկիչար աղասին , և բոլոր միւսները : Քաղաքէն կը սպաննէ 10 իշխան , որոնց մէջ և Կուլար աղասին : (*) Միւս իշխանները կը դառ-

(*) Հաւանական է Վանկուլիների գլխաւորը , տես . «Վանկուլինները» Ծ. Հ.